

Այս են նահանգք, նախնիք, ծնողք, սը-
նունդ և արհեստ սրբոյս:

Բայց կարծեմ ստերիւրեցա յոճոյն, և
զարտաւղի ելա ի կարգէն այսպիսեաւք բար-
գաւաճել զսուրբս: Սորա գաւառն յերկինս է,
քաղաքն և տաճարն, որոյ ճարտարապետ Յի-
սուս է. որոյ և աչք Տեառն Աստուծոյ ի վե-
րա նորա ի սկզբանէ տարւոյն մինչև ցկատա-
լումն տարւոյն. որ կենդանեացն է վայր՝ և
զմեղաւք մեռեալս ոչ ընդունի. անայլալակն և
անորակն, անխռոմն և անխախտուն, և զիսպղն
և որպէսն՝ անհետազաւտելի է որքան ի
կապ կանք ընդ կաւիս: Ուր շտեմարանն է
փառաց և պսակի սրբոցն. որ և գաղափարն
անտես է աւան և անլուր ունկան և անանկ
սրտի. ճշմարիտ գաւառ, որ ոչ փոխէ զբնա-
կիչս և յայլո՝ յայլ անցուցանէ զստացուածն.
այլ մշտնջենաւոր է ունաւղին և յաւերժակ
ստացաւղին: Ուր աղքատքն ճոխանան, և սը-
գաւորքն ուրախանան, հեղքն բարձրանան և
քաղցեալքն յագենան, ողորմածքն պըսակին
և սուրբքն սրտիւք զԱստուած տեսանեն.
խաղաղարարքն որդիանան և հալածեալքն և
նախատեալքն զանասելի բարիսն ժառանգեն:
Այն է ստուգապէս գաւառ. և ո՞վ է յիմար՝
եթէ ոչ որ զայն զիտէ և աստ ստանայ ինչս
և ստացուածս, արարածս և անդաստանս: